



**Politička organizacija građana "Naša stranka"**  
Branilaca Sarajeva 5/1, 71 000 Sarajevo  
Telefon: 033 408 888; Fax: 033 408 881  
E-mail: nasastranka@nasastranka.ba  
Web: www.nasastranka.ba

**Sanela Klarić**

Zastupnica u Skupštini Kantona Sarajevo  
Sarajevo, 29.03.2024.

**Dostaviti:**

Bosna i Hercegovina  
Federacija Bosne i Hercegovine  
Kanton Sarajevo  
Skupština Kantona Sarajevo  
n/r Predsjedavajući g. Elvedin Okerić

**Uputiti:**

Vlada Kantona Sarajevo  
Ministarstvo unutrašnjih poslova  
Ministarstvo komunalne privrede, infrastrukture, prostornog uređenja,  
građenja i zaštite okoliša Kantona Sarajevo  
Zavod za izgradnju Kanton Sarajevo

## **PREDMET: ZASTUPNIČKA INICIJATIVA**

Poštovani, na osnovu člana 213. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi Novi prečišćeni tekst, 15/13, 47/13, 47/15, 48/16, 9/20, 14/20, 16/22), Vladi Kantona Sarajevo i Ministarstvu unutrašnjih poslova, upućujem zastupničku inicijativu, da u idejnom i izvedbenom projektu izgradnje zgrade nove zgrade MIUP KS i rušenja postojeće građevine u ulici Kolodvorska uvedu principe zelenog certificiranja i poslednje standarde održivog građenja po uzoru na EU.

- **Da u idejnom i izvedbenom projektu traženi elaborati energetske efikasnosti budu prilagođeni minimalno A razredu te budu u službi zaštite okoliša, lokalne ekonomije, zdravlja ljudi te zelenih politika EU;**
- **Pored mjera energetske efikasnosti kojima se planira vanjska omotnica objekta, obaveznim da se uvede mjere uvođenja sistema grijanja prilagođenom EE karakteristikama objekta iz obnovljivih izvora energije;**
- **Uvede obavezne mjere prečišćavanja zraka i zaštite od buke u objektu;**
- **Uvede obaveznu mjeru proizvodnje električne i toplotne energije iz obnovljivih izvora energije za potrebe objekta;**
- **Uvede obaveznu mjeru upravljanja otpadom uz minimalno 50% recikliranja ili ponovnog korištenja građevinskog otpada posebno za rušenje postojećeg objekta ali i kod gradnje novog;**
- **Uvede zelene javne nabavke preko kojih će se obezbjediti podrška lokalnoj ekonomiji uz smanjenje primarne energije i dekarbonizacije;**
- **Uvede obavezan registar ušteda;**
- **Uvede obavezu zelenog certificiranja objekata;**

- **Radi na jačanju kapaciteta i planiraju usvajanje mjera zelenog certificiranja**

**OBRAZLOŽENJE:**

Trenutne mjere energetske efikasnosti i prakse u Kantonu Sarajevo su daleko od ciljeva Zelene agende i Sofijske deklaracije usvojene u novembru 2022. godine od strane naše države. Trenutne prakse i mjere EE u KS također nisu usklađene sa Zelenim akcionim planom KD GCAP i projektom 100 Net Zero gradova kao i drugim strateškim planovima održivog razvoja. Također trenutne prakse su jako daleko od praksi EU i novih direktiva koje zahtjevaju "skoro energetske neovisne objekte" (nearly zero energy buildings – NZEB) i zelenog certificiranja.

Dodatnim ulaganjem u postojeće prakse pomažemo tuđe ekonomije, a trebamo se okrenuti zelenim javnim nabavkama i cirkularnoj ekonomiji i maksimalno podržati lokalne proizvode, materijale i servise (principi Zelenih javnih nabavki se mogu primjeniti bez izmjena Zakona o javnim nabavkama BiH). Važno je dodati da trenutni energetske efikasni, projekti koji se finansiraju uglavnom iz kredita, nisu dio sistema monitoringa te da ovaj Kanton nema jasne podatke o stvarnim uštedama, ne postoji registar ovih projekata, niti se izdaju certifikati. Također za ovu mjeru ne trebamo izmjene važećeg Zakona o energetske efikasnosti FBiH nego dobru volju i uključiti kapacitete u ministarstvima Kantona Sarajevo.

Puno je razloga da trebamo unaprijediti prakse projekata građenja kroz principe održivog građenja i cirkularne ekonomije. Svjesni smo da su savremene dobre prakse mnogo kompleksnije, da uključuju veći broj resora i ministarstava te da je potreban koordinacija ispred Vlade da bi se u budućnosti ovi projekti približili najboljim praksama. Također u budućim naporima ne smijemo prebacivati nadležnosti, te moramo garditi kapacitete da ove kompleksne prakse usvojimo i primjenimo radi obaveza prema građanima kojima moramo pružiti najbolje uslove. Najbolji način uvođenja ovih praksi jeste pilot projekat a ovaj projekat izgradnje centralne zgrade MUPa KS može i treba biti taj.

Kanton Sarajevo mora postati odgovorniji u investiranju u ove važne projekte a sve to možemo upravo usvajanjem i provođenjem mjera koje su predložene u ovoj inicijativi. Ulaganjem u pilot projekte ćemo garditi kapacitete i podržati lokalnu cirkularnu ekonomiju i održivi odgovorni razvoj te biti spremniji da što prije usvojimo najbolje prakse kao obavezu za sve buduće projekte. Također za ovakve projekte se sigurno mogu povući grant sredstva EU što kroz ovaj pilot projekat Kanton Sarajevo treba iskoristiti i biti primjer drugim kantonima ali i primjer drugim budućim investicijama u KS.

S poštovanjem



Sanela Klarić